

ЖАҢАЛЫҚТАР

Италиядағы KNDS қорғаныс зауытында жарылыс болды

14 тамыз 2026 жыл, 07:30



13 тамыз күні Италияның астанасынан оңтүстік-шығысқа қарай орналасқан Коллеферро қаласы маңындағы оқ-дәрі шығаратын зауытта күшті жарылыс болды. Оның дауысы бірнеше шақырым жерге естілген деп жазды [Reuters](#).

Жарылыс зауыт аумағындағы өртті сөндіру жұмыстары жүргізіліп жатқанда, өрт сөндірушілер мен полиция қызметкерлері жүрген кезде болған. Француз-италиялық KNDS қорғаныс концерні жарылыстан зардап шеккендер жоқ деп мәлімдеді. Зауытты осы концерннің еншілес кәсіпорны – KNDS Ammo Italy басқарады.

Әлеуметтік желіде оқиға куәгерлерінің жарылыс болған сәтте түсірген видеосы тарады:



Взрыв прогремел на заводе по производству боеприпасов в Италии

В Коллеферро на территории бывшего завода Simmel Difesa, ныне принадлежащего KNDS Ammo Italy, прогремел взрыв, произошел пожар.

Завод производит боеприпасы среднего и крупного калибра для сухопутной и морской обороны, а также твердое топливо для авиационных пусковых установок.

Утверждается, что взрыв произошел в цехе прессования пороха.

Пострадавших нет.

65.8K edited Aug 13 at 14:54

Италияның ANSA агенттігі жарылыс оқ-дәрі цехында болған деп хабарлады. Коллеферро қаласының мәрі Джулио Каламита журналистерге егер оқиға жазғы демалыс уақытынан басқа кезде болғанда, "қасіретке айналар еді" деген.

"Оқиғаның жай-жапсары мен нақты себептері анықталып жатыр" деп мәлімдеді KNDS компаниясы.

Кәсіпорын сайтындағы ақпаратта зауыт құрлықтағы және теңіз қорғаныс жүйелеріне арнап орта және ірі калибрлі оқ-дәрі шығаратыны, оған қоса аэроғарыштық зымыран-тасығыштарға арналған қатты зымыран отынын өндіретіні айтылған. KNDS Ammo Italy – 2023 жылы Еуропалық қорғаныс агенттігімен 155 миллиметрлік оқ-дәрілер жеткізу туралы келісімшартқа отырған мердігерлердің бірі.

KNDS холдингі Украинаға да қару-жарақ жеткізеді деп жазды [The Moscow Times](#). Басылым зауыттағы жарылыс – Еуропа одағының Украинаға қару жеткізумен байланысы бар кәсіпорындарында кейінгі үш күнде болған екінші төтенше оқиға екеніне назар аударған.

10 тамызда Болгариядағы Белица ауылы маңындағы ЕМСО кәсіпорнында өрт шыққан еді. Кәсіпорын иесі бизнесмен Эмилиан Гебревтің компаниялары 2014 жылдан бері Украинаға қару-жарақ жеткізумен айналысады. Жүк көлігінен басталған жалын кейін оқ-дәрі қоймасын қоса шарпып, оның аяғы жарылысқа ұласқан. 300-ге жуық қызметкер эвакуацияланған, ешкім зардап шекпеген. Бұл оқиғаның себептері де тексеріліп жатыр.

ОҚИ ОТЫРЫҢЫЗ

- Италия билігі әлдекімдер темір жолда диверсия жасамақ болғанын айтты
- Польшада диверсия күдігіне ілінген тоғыз адам қамалды
- Чехия билігі әскери қоймадағы жарылыс туралы құпия құжатты жойып жіберген
- Вильнюс әуежайы маңында DHL компаниясының жүк таситын ұшағы құлады
- FT: Ресей Еуропада диверсия ұйымдастыруы мүмкін

Айдар

ЖАҢАЛЫҚТАР

ЖАЛПЫ АРХИВ

